



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1670

Quæst. 3. Qualiter intentio finis, & electio medij possint, aut debeant inter se distingui, vel non distingui.

[urn:nbn:de:hbz:466:1-77011](#)

volendum, quod utile est ad illum ponendum; sed etiam ad efficaciter volendum, quod utile est ad illum impediendum; & cōuenio intentio, siue nolitio finis mali motiva est voluntatis, non solum ad efficaciter volendum quod utile est ad ponendum illum; sed etiam ad efficaciter volendum, quod utile est ad impediendum illum. Vnde ex intentione finis boni duplex electio venit oriunda, altera per modum desiderij tendens in positionem medijs conductiui ad existentiam finis intenti; alteram per modum fugae tendentis in remotionem medijs impeditiui existentiae finis intenti. Et vice versa ex intentione finis mali duplex electio venit oriunda; altera per modum fugae tendentis in remotionem medijs conductiui ad existentiam finis intenti; altera per modum desiderij tendentis in positionem medijs impeditiui existentiae finis intenti. Et hec quidem tam cognoscentibus per species proprias, quam cognoscentibus per alias communia sunt. Infupper tamen apud cognoscentes per alias ex intentione finis boni aliae duas elections veniunt oriundae; altera per modum fugae tendentis in negationem medijs conductiui ad existentiam finis intenti; altera per modum desiderij tendentis in negationem medijs conductiui ad existentiam finis intenti; altera per modum desiderij tendentis in negationem medijs impeditiui existentiae finis intenti. Quia omnia ex se, suppositionibusque præmissis satis sunt nota.

QVAE STIO III.

*Qualiter intentio finis, & electio
medijs possint, aut debeant
inter se distingui, vel
non distingui.*

22 Pro resolutione suppono primò, obiectum trancentaliter relatum bene posse à voluntate amari, aut odio haberi, quin terminus eius ametur, aut odio habetur. Nisi relatio sit formaliter bonitatis, vel malitia relata. Hac enim amari, aut odio haberi non potest sine termino amato, aut odio habito. Tametsi necesse non sit, ut id per unicum actum fiat. Fieri quippe potest per unicum, vel per duos habentes inter se connexionem. Tota hæc suppositio constat ex dictis disput. 32. quest. 5. proposit. iuxta doctrinā data anteā quest. 1. à num. 16. Recognoscantur omnia tradita ibi.

23 Suppono secundò, obiectum prædicamentaliter relatum siue extrinsecè, vel semiextrinsecè denominatum ut tale, adeoque prout connotans alterum bene posse à voluntate amari, vel odio haberi; quin ametur, vel odio habetur terminus, ad quem comparatur tanquam ad extrinsecum connotatum. Licet hic per talen- amorem, aut odium non possit non essentialiter connotari. Hæc etiam suppositio in eadē quest. 5. proposit. 21. ex professō est explicata, & probata. Indeque propterea eius explicatio, & probatio petenda sunt; ne bis repeterantur.

Suppono tertio, duas præcipias circa pra. 24 sentem questionem esse sententias. Prima ab aliis pronuntiat intentionem finis, & electionem medijs utrūcūcū esse inter se distinctos. Sic Vazq. 1. 2. disput. 33. cap. 2. Galp. Hurt. disput. 3. de Actib. diff. 4. & alij. Pro qua sententia sum, quot quot absolute docent, intentionem finis esse simul cum voluntate concurrere ad electionem medijs. Quorum plures citat, & sequitur Ruiz tom. de Prouid. disput. 36. lect. 5. à nom. 11. Secunda sententia tener, finem, & medium vel unicū actū, vel duobus amari posse; atque ita intentionem finis, & electionem medijs vel unicū actū, vel duplīcē posse esse. Hinc sententie sunt Salas. 21. tract. 5. disput. 1. sect. 6. & plurimi relati ab illo. Soar. 1. 2. lib. 1. disput. 8. sect. 6. Quidco contra. 11. de Animā punct. 2. & alij. Ex Auctoribus autem tam prima, quam secunda sententia multi dicunt, electionem, etiam quando ab intentione distinguuntur, non posse non tangere sive respicere finem, saltem indirecte; sicut neque intentio potest non respicere media, quando est intentio finis prout conséquibilis per media ipsa. An vero respicit iste amoris, seu voluntatis sit, vel pura connotatio, non satis videntur explicare.

Propositio 1.

Finis secundū se præcise à voluntate amari, atque adeo intendi potest; quin ametur, aut absolute, aut faltem, eodem actū id, quod finis transcendentiter respicit, etiam respectu connexionis; dummodū talis respectus non sit formaliter bonitatis relata: nam tunc subiectum, cui talis finis est bonus, amari debet vel eodem, vel distincto actu.

Tota hæc propositio constat ex doctrinā suppositionis primā, latè explicata, & probata locis ibi citatis, qua ad rem recolenda. Est autem in ea sermo de amore, siue intentione finis tam efficaci, quam simplici, seu inefficaci. Sed agamus primum de efficaci. Itaque, si finis sit bonum ab solutum connexum quoad existentiam suam cum alio ente, secundū se sumptum præcise amari, intendique à voluntate efficaciter poterit, tali ente nullatenus amaro, quando præcognoscitur hoc aliunde exiturum. Secus, quando non præcognoscitur: quia tunc talis finis efficaciter amari non potest, tali ente non amari efficaciter; vel eodem rāmen actu, vel distincto, nam utrumque est possibile: quod si distincto, tunc amor, seu intentio talis finis ad amorem, seu electionem talis entis necessitatibz voluntatem, iuxta dicenda quest. 4. Si vero finis sit bonum relatum, honestum scilicet, aut delectabile, sive ille à voluntate amari non poterit, non amari debet, cui bonus est, & quod respicit respectu formaliter bonitatis relata: vel eodem rāmen actu, vel distincto; nam & hoc utrumque pariter est possibile. Quod si talis finis, præterquam cum suo subiecto, cum alio ente conexus sit, perinde fine consistente in bono ab soluto.

Ex his sequitur primò, quando finis cum aliquo medio determinato intrinsecè commis-

est, & consequenter sine eo posito obtineri nequit, bene posse nihilominus illum secundum se precise amari, intendique a voluntate efficaciter, nullatenus tali medio amato, casu, quod hoc praeconoscatur aliunde ponendum. Quo casu dabitur intentio efficax finis abique vila mediij electione. Vti datur etiam, quando finis nullum ad sui existentiam indiget positione mediij, ut, cum voluntas per imperium efficax reflexum efficaciter intendit aliquem suum actum directum. Quod si vero praedictum medium aliunde ponendum, non praeconoscatur, bisariam potest voluntas intendere efficaciter praedictum finem. Primo, volendo unico, & eodem actu finem propter ipsum, & medium propter finem; quo casu idem actus erit intentio finis, & electio mediij. Secundo, volendo uno actu fine propter ipsum, & altero actu medium propter finem; quo casu prioractus, qui erit intentio finis, ad posteriorem, qui erit electio mediij necessitatibus voluntatem.

²⁷ Vnde secundum sequitur, trifariam posse voluntatem intendere efficaciter finem consideratum secundum se. Primo ita, ut sola detur in ea intentio finis absque vila mediij electione; ut in primo, eoque bipartito casu ex tribus praeditis. Secundo, ita, ut idem actus voluntatis sit simul intentio finis, & electio mediij, ut in secundo casu. Tertio, ut in tertio, ita, ut voluntas duos actus habeat, quorum primus sit intentio finis, secundus vero electio mediij: primumque ad secundum necessitatibus intrinsecam connexionem, quam cum eo habet: ipsumque simul cum voluntate causet iuxta postea dicenda.

²⁸ Tertio lequitur, intentionem efficacem finis intrinsecè cum ipso fine esse connexam immediatè: mediata autem cum medio, cum quo finis connexus est. Idque, siue tale medium non causet: quia aliunde praeconoscitur illud ponendum, siue illud causet per electionem indistinctam a se: quo casu actus, qui simul est intentio, & electio, tum medio fine, tum immediatè erit connexus cum tali medio: siue illud causet per electionem distinctam a se: quo casu intentio tum medio fine, tum etiam media electione cum ipso medio connexa erit.

²⁹ Ceterum, quæ hucusque sunt dicta, tantum sunt indefinitibiliter vera circa intentionem, & electionem Dei efficacem, utpote protius inserviabilem, essentialiterque subinde connexam cum suo obiecto, & cum requisitis ad ipsum. Quod nobis est sat. Circa intentionem enim, & electionem efficacem creaturæ, utpote varijs modis frustabiliter, sepe ea fallificari poterunt. In quo minutius explicando, non est, cur immo-remur.

³⁰ Iam, quando in casu propositionis intentio finis simplex, seu inefficax est, bene poterit voluntas per illam amare finem, nullatenus amato medio, cum quo finis connectitur, etiam si hoc non praeconoscatur ponendum aliunde. Quia talis intentio, licet pro arbitrio voluntatis in existentiam finis possit influere, cum illo tamen non est connexa, & consequenter neque cum medio: atque adeo in voluntate existere potest, nec fine existente, nec medio. Potest autem talis intentio influere in finem primò immediatè, quando finis ad sui positionem non indiget medio, ut cum per imperium simplex reflexum mouetur voluntas ad eliciendum actum imperatum directum. Secundum mediata, quando finis medio indiget ad sui positionem: idque bisariam, nem-

pe vel mouendo voluntatem cum ipsaque concurrendo ad electionem a se distinctam de tali medio, vel identificando sibi electionem de medio ipso. Esse quippe possibilem actum voluntatis, qui simul sit intentio simplex finis, & electione efficax mediij, ex dicendis propositis, 3. constabit. Qæ quidem itidem potissimum in Deo sunt vera: quidquid sit de veritate eorum in creaturis.

Omnia autem, quæ diximus de intentione ³¹ finis, & de electione vnius mediij, quando finis cum unico medio determinatè connexus est, eundem locum habent, in proportione seruata, in intentione finis, & electione vna, vel multiplici plurimorum, quando finis cum pluribus medijs est connexus etiam determinatè. Quando vero finis tantum est connexus cum aliquo, vel cum aliquibus medijs vagè, fine sub distinctione, licet etiam locum habeant, quæ diximus, sed cum aliquibus alijs adjunctis, de quibus agendum infra quæst. 4.

Propositio 2.

Finis prout consequibilis, aut prout consequendus per aliquod medium a voluntate amari, atque adeo intendi potest; quin ametur aut absolutè, aut saltem eodem actu ipsum medium. Quod tamen talis intentio finis non potest non respicere intrinsecò sibi, & essentiali connnotationis respectu.

Hæc propositum ex vniuersali doctrina suppositionis secunda, locoque ibi citato recognoscenda, constat. Quia, amari finem prout consequibilem per tale medium, aliud non est, quam illum amari prout connotantem sui positionem per tale medium ut possibilem; &, amari finem prout consequendum per tale medium, aliud non est, quam illum amari prout connotantem sui positionem per tale medium ut actualem. Amor autem vnius obiecti prout connotantis alterum hoc quidem respectu connotationis debet necessariò respicere; respectu vero amoris non item, iuxta dictam doctrinam.

Vnde appetat, duos calus propositionem ³² continere. Alter est, quando voluntas intendit finem prout connotantem possibilitatem positionis eius per tale medium. Alter vero, quando voluntas intendit finem prout connotantem existentiam positionis eius per tale medium. Quoniam autem eamdem doctrinam finis prout connotans aliud quidpiam eo ipso est connexus cum illo semixtrinseca connexione, quatenus prout connotans illud nullatenus fine illo existere potest, ut ex iste patet: plane consequitur, quæcumque circa precedentem propositionem sunt dicta, pariter circa presentem venire dicenda, hoc solùm obseruato discrimine, quod connexionis finis cum alio quopiam, atque adeo cum medio ibi intrinsecā erat, hic vero semixtrinseca est.

Prætermisso igitur presentis propositionis ³³ casu primo, ubi connexionis semixtrinseca finis tantum est cum causatione actus mediij, atque adeo cum medio ipso prout possibilibus, qualia ambo aliunde supponi debent, saltem ut voluntas efficaciter intendat finem prout consequibilem,

lem, seu prout causabilem per tale medium. Circa secundum casum, ubi connexio semiextensa finis est cum causatione actua medijs, atque adeo cum ipso medio prout existentibus, dicens dum venit, quando aliunde medium, & causatio actua eius exitura præcognoscuntur, bene posse voluntarem intendere efficaciter finem prout consequendum, seu prout causandum per tale medium, non amata causatione actua medijs, & con sequenter nec ipso medio, sed respectis tamet a tali intentione respectu connotacionis dicta causatione immediate, & medio mediate. Quando vero causatio actua talis medijs non cum ipso medio aliunde posenda non præcognoscitur, bifariam potest voluntas intendere efficaciter finem prout causandum per tale medium. Primo, volendo utrumque eodem actu, nempe & finem prout causandum per tale medium, & medium prout actu causans ipsum finem. Secundo, volendo uno actu finem prout causandum per tale medium, & alio actu ex illo oriundo medium prout actu causans ipsum finem. Quorum duorum casum in priore idem actus erit intentionis prout causandi per tale medium, & electio medijs prout causantis ipsum finem. In posteriori autem primus actus pariter erit intentionis finis, & secundus ab illo oriundus electio medijs.

25 Quibus positis, iam facilè vnicuique erit cetera, quæ circa precedentem propositionem adiuximus, pariter circa presentem etiam adiungere. In quo praestando proinde, non est, cur nos amplius moremur.

Propositio 3.

36 Voluntas non potest amare medium vt vtile ad finem, nisi amando simul ipsum finem. Quod tamen bifariam potest praestare: vel unico, & eodem actu, qui simul sit intentionis finis, & electio medijs: vel duobus actibus, quorum primus sit intentionis finis; secundus autem ab illo oriundus electio medijs.

Tota hæc etiam propositio constat ex doctrina suppositionis prima. Iuxta quam, quando relatio obiecti ad terminum est formaliter bonitatis relata, nullatenus potest amari obiectum prout ita bonum, quin simul ametur terminus bonitatis relata eius. Relatio autem medijs prout virilis ad finem relatio formaliter est bonitatis relata, qua medium respectuè ad finem est bonum prout vtile ad illum. Hinc tamen non licet inferre, vt male nonnulli intulerint, medium non habere bonitatem amabilem à bonitate finis distinctam. Habet etenim, vt ceteri sarentur. Nam ipsa virilitas medijs ad finem, qua a bonitate finis distincta est, bonitas quedam per se amabilis est: esto non formalis, sed causativa bonitas sit, vt sepe alias diximus. Quia eo ipso, quod est amabilis existentia boni formalis, nequit non esse quoque amabile, quidquid conduct, vt existat bonum formale. Quocirca contra eosdem Auctores supra disputatione 32. quæst. 1. à numeris 15. cum communis statim, ad obiectum voluntaris non solum finem, sed etiam media pertinere. Itaque, sicut bonitas relata ad subiectum per se amabilis est; licet, subiecto non amato, amari non-

possit; ita etiam bonitas relata ad finem per se amabilis est; licet, fine non amato, ramari non possit.

Ceterum quia, licet medium vel simpliciter vel efficaci effectu possit amari, sola voluntate efficax eius venit dicenda electione; cum tamen intentionis finis, & simplex, & efficax esse possit, propter supra quæst. 12. statum est. Notare opus est, ut medium a voluntate etiam efficaciter ameretur, atque adeo eligatur, sat esse, quod finis ameretur simpliciter, sine efficaci intentione. Idque, non solum quando intentionis finis, ab electione medijs est distincta; quo casu, quod ad rem attinet, nulla est difficultas; sed etiam quando intentionis finis, & electione medijs sunt idem actus: quo casu, si medium electum sit efficax, non videtur intentionis finis posse non esse efficax, utpote conexa tunc intrinsecè cum existentia finis, cum qua electione medijs a te indistincta intrinsecè est conexa, saltem mediate. Sed dicendum nihilominus est, etiam quando medium electum est efficaciter respectu finis, cumdem actum bene esse possit intentionem simplicem respectu ipsius finis, & simul electionem efficacem respectu ipsius medijs.

Pro cuius pleniore intelligentia, suppono primò, actum bifariam posse esse efficacem respectu effectus, intrinsecè videlicet, & semiextensile. Efficax intrinsecè dicitur, quando suæ naturæ determinat, necessitatque ad causationem effectus. Efficax vero semiextensile, quando de facto causat effectum i tamet non necessari, sed contingenter causet illum. In presenti autem de efficiencia intrinsecæ loquimur, dum dividimus intentionem finis in efficacem, & simplicem: ceteroquin intentione simplex, que intrinsecè inefficax est, bene potest semiextensile efficax esse: talisque erit quando de facto cauer finem.

Suppono secundò, actum non eo ipso, quod cum suo obiecto, sive termino connexus intrinsecè est, esse intrinsecè efficacem respectu eius: quia potest nihilominus ipsius causatius non esse: & fine vi causatiuā intrinsecā efficacia stare nequit, vt est certum. Ita enim gaudium de bono prout existente intrinsecè connexum est cum obiecto suo; & tamen respectu eius non est actus intrinsecè efficax, sed prorius simplex: quia non est causatius eius.

Suppono tertio vt apud omnes certum, eundem actum, generatim loquendo, bene posse esse intrinsecè efficacem respectu vii obiecti, & simplicem respectu alterius. Talis enim est apud omnes actus benevolentia, quo una persona alteri vult efficaciter bonum relatum ex complacentia ipsius: siquidem per talem benevolentiam (supposito quod sit vniuersus actus, ut plerique supponunt) simpliciter complacet persona amans in bonitate personæ amatæ, & efficaciter vult illi bonum relatum.

Suppono quartò etiam vt certum apud omnes, quando eadem entitas actus intrinsecè respicit diuersos terminos, diuersa illi predican, posse competere respectuè ad singulos. Sic enim eadem entitas educationis respectuè ad agens est actio, ipsumque denominat agens, & respectuè ad passum est passio, ipsumque denominat patientis; non tamen vice verâ: & eadem entitas cognitio respectuè ad potentiam cognoscitricum est cognitio quasi actua, ipsumque denominat cognoscitentem, & respectuè ad obiectum est cognitio.

Disp. 36. De ordinat. mediorum in finem. Q. 4.

585

cognitio quasi possuia, ipsumque denominat cognitum: eademque entitas actionis, per quam producitur cognitio, respectu ad eamdem potentiam est vitalis, ipsamque denominat viuentem; respectu tamen ad Deum, cuius etiam est actio, nec est vitalis, nec ipsum viuentem denominat. Pariterque in alijs innumeris.

⁴² Ex his abunde colligitur, quomodo eadem entitas actus voluntaris intentio simplex possit esse respectu finis, & simul electio efficax respectu medij, adhuc, cum medium efficax est seu semicentrifuscè, seu etiam intrinsecè. Primo: quia necessitas causandi medium aut etiam finem conueniens tali entitatibz ei potest conuenire dumtaxat quartenus est electio medij, & non quatenus est intentio finis; ut respectu ad medium dumtaxat conuenit ei esse electionem, qualis non est respectu ad finem. Vnde prout est intentio finis potest non esse intrinsecè efficax; sicut sit semicentrifuscè, iuxta suppositionem primam. Secundo: quia intrinseca connexio eius cum fine, estò ei necessario competenter, vt est intentio, quod tamen est falsum, non cogerer, vt esset efficax intrinsecè iuxta suppositionem secundam. Tertio: quia non est, cur idem actus possit esse efficax respectu boni relati ad subiectum, & simplex respectu ipsius subiecti iuxta suppositionem tertiam: & non possit esse efficax respectu boni relati ad finem, & simplex respectu ipsius finis. Quartò denique: quia, cum diuersa prædicta possint eidem actui respectu ad diuersos eius terminos vniuersaliter conuenire iuxta suppositionem quartam: consequens est, vt diuersa prædicta simplicis, & efficacis possint eidem actui conuenire respectu ad finem, & medium, qui sint diuersi termini eius. Concluditur ergo, non solum esse possibilem actum voluntatis, qui idem si intentio efficax finis, & electio efficax medij; sed etiam actum, qui idem sit intentio simplex finis, & electio efficax medij.

⁴³ Porro, quæ in hac questione dicta sunt de intentione per modum desiderij finis boni, sua proportione seruata, sunt applicanda intentioni per modum fugæ finis mali. Et, quæ sunt dicta de electione per modum desiderij medij utiles ad finem bonum, pariter applicanda sunt tum electioni per modum fugæ medij impeditivæ finis boni; tum electioni per modum fugæ medij utiles ad finem malum; tum denique electioni per modum desiderij medij impeditivæ finis mali.

Q V A E S T I O . IV.

Qualiter voluntas possit ordinare media ad finem; sive ex intentione finis eligere media.

temporis mensura, in qua per ipsam vel iam est proxime causabilis, vel est causanda mediæ exequitio: sive vel intentio, vel electio in alijs temporis mensuris aut antecedentibus extiterit, aut subsequentiis sit extitura; sive secus. Talis quippe est conceptus intentionis, & electionis, de quo potissimum in hac disputatione tractamus, ut pote qui solus est communis intentioni, electionique diuina, & creatura. Nam in hoc, quod est, aut antecedere, aut subsequi dictam mensuram, valde illæ discrepant inter se: siquidem intentio, electioneque Dei à parte ante, & à parte post necessario est eterna; quod ab intentione, electione, que creatura longè est alienum.

Suppono secundò, me in hac questione ⁴⁵ imprimis agere de intentione finis boni, deque electione medij utiles ad positionem eius, ac de spectantibus ad ipsas. Nam ex dicendis circa hac breuiter inferar sub eius finem, quid de intentione finis mali, deque alijs electionibus num. 21. commemoratis dicendum sit.

Suppono tertio, me in hac questione ⁴⁶ tantum agere de intentione finis, qui ad sui positionem aliquo indiger medio distincto ab intentione ipsæ, & consequenter aliquæ etiam talis medij electione. Non verò item de intentione finis, quæ per se immediate exequariua, sive causativa est ipsius finis, quale est imperium, quo voluntas vel sibi ipsi, vel potentia sibi subdita imperat aliquam actionem immediate tali imperio subiectam, sive causabilem per ipsum. Tum quia huiuscmodi intentio nullam fert secum ordinationem mediorum in finem, de qua modo agimus. Tum quia de illa quid ad rem sit dicendum, satis saperque potest vnicuique innotescere ex dieris late de imperio voluntatis supra disp. 30. quest. 12.

Suppono quartò, tametsi possibile sit, vt ⁴⁷ intentio finis & electio medij sint idem actus, uti quest. 3. statuimus, me tamen in hac questione dumtaxat procedurum in casu, in quo actus distincti sint, & secundum oriundus a primo. Tum quia philosophia ad rem versanda expeditior est in hoc casu, quam in priore. Tum quia non pauca ex dicendis in hoc locum habent, quem tamen non habent in illo. Quibus suppositis, questionem præsentem sequentibus propositionibus resoluimus.

P R O P O S I T I O . I.

Voluntas per simplicem, absolutam, ⁴⁸ & determinatam intentionem finis ad eligenda quævis media ad ipsum finem utilia moueri potest. Non tamen manet determinata, sive necessitata per illam ad eligendum ullum.

Prima pars huius propositionis satis est communis inter Theologos: immo multorum theologia sine illâ stare non posset, vt ex dicendis in hoc Tract. patet. Eam tamen ex parte negat Vazq. I. par. quest. 89. cap. 13. quatenus ait, cum, qui intendit finem per media à se exhibita consequendum, non posse efficaciter eligere media, nisi efficaciter intendat finem; cum vero, qui intendit finem alteri propositum, & eius libertati commissum, vt per media ab ipso exhibita obtineatur, bene posse ex intentione simplici finis moueri ad eligenda, alterique conferenda media,

E F F E R
etiam

⁴⁴ Suppositis diuisionibus finis, & medij, intentionisque, & electionis datis quest. 1. & 2. Suppono deinde, me in hac questione, sicut in tota præsente disputatione, dumtaxat agere de intentione finis prout existente in eadem temporis mensura, in qua per ipsam vel iam est proxime causabilis, vel est causanda mediæ electio; similiterque de electione medij prout existente in ea